



A Consellería do medio rural ten a intención de modificar, cos fins que a continuación se expoñen, o seguinte decreto:

- Decreto 52/2014, do 16 de abril, polo que se regulan as instrucións xerais de ordenación e de xestión de montes de Galicia.

Actualmente, en aplicación da disposición transitoria sexta da Lei 7/2012, do 28 de xuño, de montes de Galicia, os montes ou terreos forestais haberán de dispoñer dun instrumento de ordenación ou xestión forestal obrigatorio e vixente, como máximo, no prazo de seis anos desde a publicación das instrucións de ordenación de Galicia. É dicir, o 8 de maio de 2020.

Por outra banda, a disposición transitoria segunda do Decreto 52/2014, do 16 de abril, polo que se regulan as instrucións xerais de ordenación e de xestión de montes de Galicia, permite que calquera persoa propietaria ou titular dun monte, independentemente da súa titularidade, condición ou superficie en coto redondo e só para os efectos previstos en materia de obtención de beneficios, tales como axudas relativas ao desenvolvemento rural, comunique a súa adhesión aos referentes de boas prácticas e modelos silvícolas ou de xestión forestal. Esta excepción caducará o 8 de agosto de 2018.

É inoportuno que exista un período de tempo durante o cal, non sendo obrigatorio dispoñer dun instrumento de ordenación ou xestión forestal, os montes que carecen de instrumento non poidan acceder ás distintas subvencións que se convoquen. Por este motivo, preténdese vincular o réxime transitorio establecido no Decreto 52/2014 ao prazo establecido na Lei 7/2012.

Para os efectos do artigo 133.1 da Lei 39/2015, do 1 de outubro, do Procedemento Administrativo Común das Administracións Públicas, se sustancia unha consulta pública para solicitar a opinión dos suxeitos e das organizacións máis representativas potencialmente afectados pola futura norma acerca de:

- a) Os problemas que se pretenden solucionar coa iniciativa.
- b) A necesidade e oportunidade da súa aprobación.
- c) Os obxectivos da norma.
- d) As posibles solucións alternativas regulatorias e non regulatorias.